



Inatsisartuni ilaasortat Knud Kristiansen aamma Siverth K. Heilmann, ATASSUT

**Kalaallit Nunaani avannaani umiarsuit siusinnerusukkut tikittalernissaat pillugu §  
37 naapertorlugu apeqqummut nr. 2011-115-imut akissut**

Aallarniutigalugu Inatsisartuni ilaasortat Knud Kristiansen aamma Siverth K. Heilmann  
Kalaallit Nunaata avannaani umiarsuit siusinnerusukkut tikittalernissaat pillugu  
apeqquteqarnerannut qutsavigerusuppakka.

Inatsisartuni ilaasortanit tikkuarneqartutut Kalaallit Nunaata avannaani umiarsuit  
siusinnerusukkut tikittalernissaat arlalinnik iluaqtissartaqartussaavoq. Tunitsiviit  
imaarneqarsinnaalissapput, taamaalillunilu tunisineq aallarteqqinnejqarsinnaalissalluni,  
kiisalu nioqquqtiisanik nutaanik tikittoqarnissaanut periarfissaqalissaq. Paarlattuanik  
aamma tikittussaagaluit taamaatinneqartut annertuumik sunniuteqarsinnaapput.

Siorna Kalaallit Nunaata avannaani kingusinnerusukkut sikusimasoq, tamatumalu  
kingunerisaanik piffissap angalaffiusup naalernerani sumiiffiup umiarsuarnik  
angallavigineqarnera annertusimasoq Royal Arctic Line A/S-imit  
ilisimatitsissutigineqarpoq. Piffissap angalaffiusup aallartinnissaa eqqarsaatigalugu  
Royal Arctic Line-miit pissutsit nakkutigineqarluartarpuit, kisiannili ukiut siuliini  
misilitakkat takutippaat, maajip naanera nallertinnagu sumiiffik imaatigut  
angallavigineqarsinnaaneq ajortoq. Tamatuma saniatigut Royal Arctic Line-miit  
ilisimatitsissutigineqarpoq, Kalaallit Nunaata avannaani siku qimussinit biilinillu  
angallavigineqarsinnaatillugu nunaqarfinnut imaatigut angalaniarnerminni  
akuttunngitsumik akerlilerneqartarlutik, siku aalisarfittut amerlasuunit atorneqartarmat.

Aamma oqaatigineqassaaq, Royal Arctic Line ukioq manna siusinaarluni marloriarluni  
Tasiilialirtitsisimagaluartoq, sikuli pissutigalugu tamarmik taamaatiinnartariaqarsimasut.  
Tikittussaagaluit taamaatinneqartut Royal Arctic Line-muinnaq annertuunik  
sunniuteqartanngilaq, aammali nioqquqtiisanik inniminniisimasunut imaluunniit  
nioqquqsat aaneqarnissaanut sunniuteqartarpuit. Taamaattumik imaatigut  
angananissanut pilersaarummik pingaarnermik, eqqortumik tikkuussisinnaasumik,  
aammalu eqqortumik tikkuussisinnaanera pillugu tatigineqarsinnaasumik peqarnissaq  
pingaaruteqarpoq.

Apeqqummi saqqummiunneqarpoq, ukiuunerani siku umiarsuit pajuttaatit Kalaallit  
Nunaata avannaanut tikinnissaanut akornutaasartoq. Tamatuma kingunerisaanik  
tunitsiviit qerititsivii imhaarneqarneq ajorput, tamatumattaarlu kingunerisaanik qerititsivinni  
inissaqartitsisoqalernissaata tungaanut aalisarneq unitsinneqartariaqartarpooq.

7. juni 2011

Sagsnr. 2011-050547

Dok. Nr. 648380

Postboks 909

3900 Nuuk

Tlf. (+299) 34 50 00

Fax (+299) 34 54 10

E-mail: iaan@nanoq.gl

www.nanoq.gl

Suliffeqarfuit namminersortut, Kalaallit Nunaanni tunitsivinnik ingerlatsisuuusut qeritsivimminik ingerlatsinissaannut Naalakkersuisut naalakkiisinnaanngitsut Aalisarnermut, Piniarnermut Nunalerinermullu Naalakkersuisoqarfik nalunaarpoq. Suliffeqarfiup tunitsivimmik ingerlatsisuusup tunitsiviup qanoq ingerlanneqarnissaa nammineerluni aalajangertarpaa. Ingerlatseqatigiiffik tunitsivimmik ingerlatsisuusoq pisinnaasassanik annertusititsinissamik kissaateqaruni, ingerlatseqatigiiffiup qeritsivissaqarnera malillugu aalisakkat qerisut qeritsivinnut allanut assartorneqarsinnaapput. taamatuttaaq pisariaqartitsisoqartoq naliliisoqarpat, ingerlatseqatigiiffik umiarsuarmik qeritsivilimmik sumiiffimmut tikitsinissamut qinnuteqarsinnaavoq. Naalakkersuisoqarfik qinnuteqaammik taamaattumik tigusismappat, taanna usinik nuussinissamut akuersissutit suliarineqartarneranni suleriaaseq, Naalakkersuisut akuerisimasaat tunngavigalugu suliarineqassaaq.

Inussiarnersumik inuulluaqqusillunga

Jens B. Frederiksen